



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. EE. Transactio Procerum Scaniae cum Magno Rege Sueciae, in qua
limites Regnis Sueciae constituuntur.

urn:nbn:de:hbz:466:1-10534

amore nostri quicumque facere vel omittere volentibus, saepe dictum Dominum Woldemarum Regem Daniae, Successores suos & haeredes sub praemissa fidei sponione, efficaciter & fideliter iuvabimus, contra Dominum nostrum Regem Magnum praedictum successores suos, & haeredes in praemissorum evidentiam & testimonium, sigilla nostra cum sigillo Domini nostri Magni Regis praedicti, praesentibus apponentes: Quamvis autem per viginti quatuor compromissores, & unum super arbitrum pro utraque parte, per Nos utrumque Regem adhuc eis plena autoritate data, specialiter assumptos & electos hujus finalis concordiae tractatus Helsingborg initium haberet, & processum aliqualem, veruntamen propter quaedam incidentia utilius & magis expediens videbatur, eadem omnia & singula, quae perpetuae pacis & finalis concordiae soliditatem respiciunt, ut utraque parte praesente, scilicet Domino Rege praefato, ac nobis & utriusque nostrorum Consiliariis & Potentioribus plenius & perfectius discuterentur, ad finem debitum ordinanda, unde ejusdem compromissi forma non attenda, per viam & modum amicabile Compositionis, per omnia hujus perpetuae pacis & finalis concordiae placitationem loco & termino praenotatis, hoc est Warbergae in octavis beati Martini, ut praemittitur, duximus terminanda. Actum & datum Anno, die & loco supra dictis.

Lit. E E.

Transactio Procerum Scaniae cum Magno Rege
Sueciae, in qua limites Regni Sueciae
constituuntur.

Universis praesentes literas inspecturis Petrus Lundensis, & Hemmingus Upsalensis divina miseracione Ecclesiarum Archiepiscopi, Petrus Lincopensis, Siggo Scarenis, Frenderus Strengenensis, Odgyfilus Arosiensis, Henningus Aboensis & Boetius Vexionensis Ecclesiarum eadem miseracione Episcopi, Johannes monasterii Sanctorum omnium in Lundis, Ragnaldus in Alvaastro, Sueno in Hergede, Vinmarus de Varnhem, Andreas de Sintli, Folcho de Novavalle, Michael de Blackaskog, Henricus de Sabâ, N. de Thomatorp & Andreas de Asylo Abbates, Petrus Dalbiensis, & Godefredus de Ekilstuna Priores, nec non Capitula Ecclesiarum cathedralium & conventus monasteriorum praedictorum, Salutem in Domino sempiternam. Cum regnum Sueciae & terra Scaniae ita legaliter & indissolubiliter unita sint & conjuncta, quod unum de cetero regnum censeferi debent perpetuis temporibus, ac unius Regis praesidio gubernari, sicut patentes literae & manifesta instrumenta super hoc edita lucidius docent & declarant:

declarant: Nos unionem memoratam prompto & benevolo amplexantes affectu, firmiter promittimus quod magnifico Principi Domino nostro clarissimo D. Magno Sueciæ, Norwagiæ ac Scaniæ Regi illustri, suisque, Successoribus & hæredibus, pro dicto regno Sueciæ & Scaniæ in unione, præfata retinendo, nec non pro eodem cum suis juribus, & iustitia contra omnem hominem defendendo, adstabimus fideliter verbis, factis, consiliis & auxiliis, quantum possumus, jure Ecclesiæ, ordine & officio nostro salvis, habituri deinceps limites dicti regni Sueciæ, qui ante citra Scaniam tenebantur, in ipso passagio Orasund, eosdemque usque illuc una cum aliis confiniis & limitibus ejusdem regni Sueciæ & Scaniæ, ubicunque illud hostiliter invadi contingat, cum omni fidelitate & toto posse nostro viriliter & unanimiter cum Dei adjutorio defensuri. Cæterum revolventes sedulo in intimis cordis nostri, quam plena sit periculis, & onusta dispendiis intestina dissensio, ea potissimum, quæ solet multoties ex vacillatione regiminis provenire; & tantis malis, quantum Deus permiserit, prospicere circa Regni regimen cupientes, firmiter promittimus quod inclytum Domicellum Ericum filium dicti domini nostri Regis seniore, juxta consilium & voluntatem ejusdem domini nostri in Regem & Dominum nostrum supra dictum Regnum Sueciæ & Scaniæ terras, provincias & insulas tributarias ad idem Regnum pertinentes, omni quo decet honore, secundum debitam formam, & consuetudinem ab antiquo jure in regno Sueciæ approbatam, in loco pro electione Regis deputato, unanimiter & concorditer eligemus, obligantes nos & nostrum quemlibet ex tunc ad servandum sibi cum omni obedientia, fidelitate, servitiis & homagiis favoreque pro ut ex debito veri subditi tenentur Domino suo facere, & vero Regi, salvo per omnia eidem Domino nostro Regi Magno Patri ejus jure regendi ut prius, præcipiendi, ordinandi & statuendi toto tempore suo, quo superstes fuerit circa nos subditos suos, & regni res, ac negotia quæ pro commodo & utilitate ipsius regni viderit expedire. Item promittimus firmiter ut prius, quod si præfatum Dominum nostrum Regem Magnum [quod Deus avertat] nobis viventibus migrare contigerit ab hac lu. e. inclytæ Dominiæ nostræ Blancæ & dicto Domino nostro Regi Erico ad honorem & servitium in omnibus fideles erimus, eisque in suis juribus in Suecia & Scania fideliter astabimus juxta posse; & si idem Ericus Rex noster pro tunc minor annis fuerit, sibi & regno suo Sueciæ & Scaniæ juxta consilium, consensum & ordinationem nobiliorum ejusdem Regni Sueciæ & Scaniæ tutor indigena deputeretur, & castra omnia & regni munitiones cum eorundem consilio & provisione per indigenas gubernentur, donec eum ad legitimam ætatem Deus dederit pervenire. Si vero dictum Dominum nostrum Regem sine liberis existentibus contingat decedere, tunc alium de

M

filiis

filiis Domini nostri Regia prædicti Magni superviventibus, qui conveni-
 entior & aptior habeatur in Regem & Dominum nostrum super antedi-
 ctū Regnum Sueciæ ac Scaniæ, terrasque Provinciâs, & Insulas memoratas,
 nullum alium rite & rationabiliter, ut convenit, eligemus. Item si ipso Do-
 mino nostro Erico Rege supradicto superstitite, vel ejus liberis existentibus,
 contingat Dominum Haquinum fratrem ejus quem idem Pater ipsorum
 Dominus noster Rex Magnus Regno suo Norwagiæ præficiendum du-
 xerat principatum seu regnum regni Sueciæ & Scaniæ contra istud patris sui
 & matris factum velle usurpare, tunc eidem domicello Haquino totis vi-
 ribus resistemus: quod etiam proceres & domini in Regno Norwagiæ
 promiserunt, quod eidem domicello Haquino in nullo penitus consilium,
 auxilium, vel favorem ministrabunt, quorum prætextu contra hanc consti-
 tutionem veniat, vel contravenire attentet in futurum. Similiter si contingat
 Dominum nostrum Regem Ericum supradictum ad Regnum Nor-
 wagiæ velle se intrudere, domicello Haquino, & ejus liberis existentibus,
 pari modo promittimus, quod in hoc facto ipsi Domino nostro Regi Eri-
 co memorato nullatenus coadjutores erimus, aut fautores. Et si contingat
 quod uterque dictorum fratrum, vel eorum alter contra præmissa patris
 eorundem, & nostra facta venire voluerit, & alienigenarum seu extraneo-
 rum ad hoc auxilium adduxerit, & per hoc Regnorum prædictorum ali-
 quod hostiliter invaserit, seu subintrare attentaverit, ex tunc Regnum u-
 trumque sc. Norwagia, Suecia & Scania unanimiter & insimul totis viri-
 bus & posse, huic eorum voluntati efficaciter resistere laborabit. Quod-
 cunque Regnorum prædictorum prius, vel pluries circa talia fuerit necessi-
 tatum, ad hoc finaliter & intente, ut eorum paterna tam provida pacis, simul
 & concordia præordinatio in suis viribus, & pleno robore irrefragabili-
 ter perseveret. Et si memoratum Dominum nostrum Regem Magnum
 plures contingat habere liberos, pro tunc promittimus, ut superius, quod
 ipsorum quemlibet utriusque sexus in suo jure & honore juvabimus, pro-
 ut ipsis, & eorum statui, conditioni, simul & sexui congruerit, secundum
 leges & statuta Regnorum prædictorum tam Sueciæ & Scaniæ, quam
 Norwagiæ, & juxta consuetudines in iisdem regnis approbatas. Verum si
 quis cujuscunque conditionis aut status contra præmissa, vel eorum ali-
 quod in parte vel in toto se opponere, aut ea annihilare vel infringere
 quomodo libet nostris temporibus attentaverit, promittimus firmiter, si-
 cut supra, quod eidem quo minus id efficiat, totis viribus & posse nostro
 viriliter & unanimiter resistemus consiliis & auxiliis, quantum possumus,
 jure Ecclesiæ, ordine & officio nostro salvis. Quamvis autem libera
 & spontanea voluntate, ac affectanti animo hujusmodi negotium pro
 bone

pacis fecisse dignoscimur, per hoc tamen juribus & consuetudinibus in Regno Sueciæ & Scaniæ ab antiquo tempore de regiâ electione observatis, in nullo penitus volumus derogari, quin ad nos & Successores nostros Regum electio cum juribus suis omnibus, post mortem dicti Domini nostri Regis Erici, vel alterius Domini nostri Domini Magni filii, quem ipso Domino nostro Erico Rege prædicto, sine liberis (quod absit) mortuo, in Regem (ut præfertur) eligemus, libere revertatur. Ut autem præmissa omnia, & eorum quodlibet majoris habeant roboris firmitatem, Sigilla nostra præsentibus duximus apponenda. Datum Warbergis, Anno Domini M CCC XLIII. in octava beati Martini Episcopi,

Lit. FF.

S. R. M. Senatorumque Regni Daniæ litteræ, quibus Scania se abdicant.

NOS Fridericus Tertius, Dei Gratia, Daniæ, Norvvegiæ, Wandalarum, Gothorumque Rex, Dux Slesvici, Holsatiæ, Stormariæ, & Dithmarsici, Comes in Oldenburg & Delmenhorst. Notum testatumque facimus; Postquam Serenissimus ac Potentissimus Princeps ac Dominus, Dominus Carolus Gustavus, Suecorum, Gothorum, Wandalarumque Rex, Magnus Princeps Finlandiæ, Dux Esthoniæ, Careliæ, Bremæ, Verdæ, Sterini, Pomeraniæ, Cassubiæ, Wandaliæq; Princeps Rügen, Dominus Ingræ & Wislariæ; nec non Comes Palatinus Rheni, Baviaræ, Juliaci, Cliviæ, ac Montium Dux, Frater, Consanguineus ac Vicinus Noster, proxime superiori bello inter Nos, Daniæq; ac Norvegiæ Regna, ab una, & inter S. Dilect. & Regnum Suec. ab altera parte, vi armorum varias provincias & regiones occupaverit, ut & diversa Munimenta, Urbes, ac Propugnacula Jutiæ, Holsatiæ, aliarumque nostrarum Ditionum in suam potestatem redegerit; Nunc verò via Tractatûs mediante Serenissimi & Potentissimi Principis & Domini, Domini Ludovici XIV. Christianissimi Galliarum Regis, Fratris, Consanguinei, Amici ac Fœderati nostri, ut & Serenissimi Domini Protectoris, Angliæ, Scotiæ, & Hiberniæ, Nostri itidem Amici ac Fœderati, interpositione, per Eorum respectivè Extraordinarios Legatos & Extraordinarios Aبلغatos Illustres & Generosissimos Hugonem de Terlon, Equitem S. Johan. Hierosolym. & Philippum Medovium, de omnibus erroribus & controversiis, quæ incluta hæc Regna Septentrionalia invicem hæcenus exercuerunt, omnimodo transactum ac conventum fuerit, Suaque Dilectio ex vicinali benevolentia & affectu, quo erga pacem & concordiam fertur, inter cætera placitaverit

M 2

& pro-